

ՀԱՄԱՅՆԱԿԱՆ ՀՈՂԱՏԻՐՈՒԹԻՒՆԸ ԵՐԵՒԱՆԻ ՆԱՀԱՆԳՈՒՄ

Յ. ՍԱՂԱԹԷԼԵԱՆԻ

(Շաբաթական 1)

Այժմ այլ ևս կասկածանքի առարկայ չի կարող լինել, որ Հայաստանը աւելի հին ժամանակներում անհամեմատ աւելի շատ ազգաբնակութիւն ունէր, քան վերջին դարերում և այժմ մեր երկրի շատ մասերում գտնուում են ամայի և քար քարոտ տարածութիւններ, որոնց մէջ ճանապարհորդը զարմացմամբ պատահում է քաղաքների և գիւղերի աւերակների: Առաջի անգամից նա չի կարողանում ըմբռնել, թէ ինչպէս մարդիկ բնակութիւն են հաստատած եղել այդ անապատներում և միջոց ունեցել հոյակապ շինութիւններ կանգնեցնել: Նա տեսնում է հնձաններ և չի կարողանում հասկանալ, թէ արդեօք ինչպէս այդ տեղ այգիներ էին բուսնում: Բայց նորա համար այդ դժւար խնդիրը բոլորովին պարզւում է, երբ նրան ցոյց են տալիս կամ նա ինքը կարողանում է տեսնել հազիւ նշմարելի հետքեր վաղուց աւերւած ջրանցքների, որոնք շատ անգամ սկսւում են հեռաւոր լեռներից: Սուբմալու գաւառի համարեա կէս մասը, որ այժմ կատարեալ անապատ է, մի ժամանակ ծածկւած է եղել պտղաբեր այգիներով և արտերով:

Այդ գաւառում տարածւող Արարատեան լեռնաշղթայով անցնելիս են եղել ջրանցքներ, որոնք ոռոգել են հազարի տարածութիւն: Այդպիսի ջրանցքների գոյութիւնը ապացուցանելով անկասկած մեծ

տեխնիկական հասկացողութիւն դրանց ստեղծող ժողովրդի մէջ, ցոյց է տալիս միւլտիպլիկացիոն ժամանակ, որ այդ ժողովուրդը սպառած լինելով բոլոր մշակութեան յարմար հողերը, իւր բազմամարդութեան պատճառով, ստիպւած է եղել մեծ հմտութիւն և աշխատանք գործ դնել ծառայեցնելու հողագործութեան այնպիսի տարածութիւններ, որոնք իրենէ անապատ են եղել և առանց աշխատութեան ոչ մի բերքի ընդունակ: Այս երևոյթին կարելի է հանդիպել համարեա ամեն մի հայկական գաւառում: Հայաստանի նախնի բազմամարդութիւնը ապացուցւում է և ուրիշ կողմից: Հողի նոյն կարօտութիւնը, որ ստիպել է ջրանցքներ և ամբարտաւաններ կառուցանել, հողագործութիւնը տարածել է մի ժամանակ մեր երկրում մինչև նրա կլիմայական սահմանի վերջին կէտը: Նոյնանման աւերակներ ինչպէս վերև յիշածները պատահում են այնպիսի բարձր լեռների վերայ, որտեղ բացի ալպեան բոյսերից հազիւ հազ բուսնում են ցորեն և գարի: Մասիսի արևմտեան գծաւորամտչելի կողքի վերայ, որ շատ հեռու մշտական ձիւնից, կանգնած է մի աւերակ մի քանի կոփածոյ քարերից շինւած եկեղեցիներով: Այդտեղ այժմ ապրում են մի քանի տուն կիսավայրերի քրդեր իրանց խաշիններով:

Հայկական տարրի նւազիչ պայմանները միւլտիպլիկացիոն կորստաբեր էին սեփականութեան զարգացման համար: Այն թշնամին, որը մինչև անգամ պատերազմը վերջնապիւր յետոյ, միայն իւր արիւննոշտութեան և վայրագութեան բաւարարութիւն տալու համար չէր խնայում տիրած երկրի բնակիչների կեանքը, մինչև անգամ շինութիւնները, հասկանալի է թէ ինչպէս կը վերաբերէր այդ բնակիչների իրաւունքներին, մասնաւորապէս սեփականութեան: Վերջիններիս մասին նորա աչքում հարց անգամ չէր կարող գոյութիւն ունենալ: Այն կեանքը, որը առաջ եկաւ Հայաստանում բարբարոսների արշաւանքներից յետոյ՝ իսկապէս կեանք չէր, այլ մի տեսակ օրհասական կռիւ էր, որից հրաշքով ազատւեց հայկական տարրը վերջնական կորստից: Յափշտակութիւնը, ամեն տեսակ իրաւունքի բռնաբարութիւնը և կոտորածը թրքո-թաւթար ազգերի կեանքում նոյն չափ ազդեցիկ և գրաւիչ են եղել, որքան մարդկութիւնը դէպի յառաջադիմութիւն մղող ձգտումները հնդկա-եւրոպական ազգերի համար: Այդ ցեղի հակակուլտուրական ինստիտուտները չը թուլացան

Ժամանակի ընթացքում, չը նայելով ոչ մի շփումի, չը նայելով որ նոքա բռնեցին այն երկիրները, որտեղ որրանն էր քաղաքակրթութեան: Եւ այս տեսակ մի տարր չը բռնեց մեր երկրի մի որոշ մասը, ինչպէս Ռուսաստանում, այլ նա տարածւեց ամբողջ երկրի մէջ և այդ պատճառով նորա աւերիչ ազդեցութիւնից ազատ չը մնաց ոչ մի հայկական գաւառ: Ինչ որ գարեւրի ընթացքում ստեղծել էր մեր ժողովուրդը, քանդւեց և նա դատապարտւեց ոչ թէ միայն կանգ առնելու զարգացման մի կէտի վերայ, այլ շատ բանում յետադիմելու: Եթէ աւելի խորը տեսակէտից նայենք, ծանր վտանգը միայն մի ազգի չը հասաւ, միևնոյն ժամանակ և ամբողջ քաղաքակրթութեան: Բայց այդ քննելը մեր նպատակից դուրս է: Մենք պատմութեան դիմեցինք որոշ նպատակով: Մեզ հարկաւոր էր որոշելու այն հետեւեքը, որ ունեցան յայտնի պատմական անցքեր հողատիրութեան վերաբերմամբ: Մեզ հարկաւոր էր պարզել համայնական հողատիրութեան երկայնակեցութեան պատճառները մեղանում, և պատմութիւնը բացատրում է մեզ այդ:

Բնակիչների նւազելու պատճառով հողագործութեան համար պիտանի հողը մեղանում քանի գնում էր ընդարձակւում էր և իւրաքանչիւր յետագայ սերունդ աւելի շատ հողով կարող էր օգտուել քան թէ առաջ: Իւրաքանչիւր հողագործ կարող էր մշակել այնքան հող, որքան ցանկանում էր և ընտրել այդ հողը այնտեղ, որտեղ ինքը կը կամենար: Հողի առատութեանը չափ չը կար: Հողը այսպիսի դէպքերում կարելի է համեմատել բնութեան միւս բարիքներին, որոնցից իւրաքանչիւրը կարող է օգտուել որքան կը կամենայ: Բայց այդ ցանկութիւնը ահման ունի: Աշխատանքի արդիւնաբերութիւնը շատացնելու համար, հարկաւոր է բանող ոյժ և հարկաւոր է, որ աւելացրած արդիւնքը մի որ և իցէ տնտեսական արժէք ունենայ: Աւելորդ է ասել որ այնպիսի քաղաքական պայմանների մէջ, որոնցում գտնուում էր Հայաստանը, քերքերի արտահանութիւն չէր կարող լինել: Չէր կարող լինել և ներքին պահանջ, որովհետեւ նոյն պատճառները արգելադրւած էին քաղաքների զարգացման և եղած քաղաքների բնակիչները նոյնպէս պարապւում էին հողագործութիւնով: Մի քանի քաղաքներում մինչև այժմ էլ ժողովրդի մի մասը պարապւում է հողագործութիւնով, ինչպէս օրինակ Ալեքսանդրապոլում, Նոր Բայազէդում, և

այլն: Այսպէս ուրեմն արդիւնաբերողը, բացի իրանից, ուրիշ սպառող չունէր, ուստի և շահ չունէր արդիւնքները աւելացնելու նպատակով՝ ընդարձակել իւր մշակութեան հողի տարածութիւնը:

Այսպիսի պայմաններում մասնաւոր սեփականութեան զաղափարը չէր կարող զարգանալ, չէր կարող զարգանալ ցանկութիւն գիւղացու մէջ բացառապէս և մշտապէս իրան յատկացնել այս կամ այն հողը, որովհետեւ նորա ընտրութեան համար խոչնդոտ չը կար՝ իւր կարիքների չափ նա կարող էր հող մշակել որտեղ և որքան կամենար:

Նոյն իսկ դաշտերի առատութիւնը հարկաւ պիտի թելադրէր շատ շուտ փոխելու վարելահողերի տեղերը, սպառաւածից անցնելու աւելի պարարտին:

Միևնոյն ժամանակ անընդհատաբար գոյութիւն ունէր մի ուրիշ նշանաւոր խոչնդոտ մասնաւոր սեփականութեան զարգացման: Դա բնականութեան անհաստատութիւնն էր և իրաւունքի անապահովութիւնը: Ամեն մի համայնք դառը փորձերից լաւ գիտէր որ երկար չի տեւելու նորա գոյութիւնը, որ մի օր կարող է հիմնայատակ լինել նորա բնակութեան գիւղը և որ նորա անդամները սրի ճարակ կը լինեն կամ կը գաղթեն: Այսպիսի պայմաններում հասկանալի է, որ հողատիրութեան կազմակերպութիւնը չէր կարող առաջ ընթանալ, պիտի կանգ առնէր և փնար միևնոյն գրութեան մէջ, քանի շարունակում էին գոյութիւն ունենալ այդ պայմանները: Եւ ահա ինչն էր պատճառը որ համայնական հողատիրութիւնը մեզանում երկար ժամանակ տեւեց և հասաւ մինչև մեր օրերը, չնչին բացառութիւններով:

Բոլորովին այլ ուղղութիւն է ստանում հողատիրութիւնը, երբ պիտանի հողի տարածութիւնը մնում է նոյնը, իսկ ազգաբնակչութիւնը անընդհատ աւելանում: Այդ դէպքում անկասկած կը գայ ժամանակ երբ բոլոր հողագործութեան համար պիտանի հողը կը սպառուի: Բայց համայնքը անընդհատ աճում է, իսկ նորա աւելացած անդամների պահանջներին պէտք է բաւարարութիւն տալ: Այդ ժամանակ դիմում են վերաբաժանման (перехват): Համայնքը ընդհատում է իւր լուռ համաձայնութիւնը, որով նա մինչև այժմ թոյլ էր տալիս իւր անդամներին ազատ օգտուելու իրանց բռնած հողերից և նորերին տիրելու, որովհետեւ նա այդ էլ չի կարող թող

տալ առանց զոհելու իւր անդամների մի մասի շահերը յօգուտ միւսների. և նա կարգադրում է հողի վերաբաժանումը, որի սկզբունքը լինելով միեւնոյնը, արտայայտուում է մի քանի ձևերով: Համայնական հողատիրութեան հիմքը կայանում է ոչ թէ այս կամ այն հողատիրական կարգերում, այլ այն համոզմունքի մէջ, որ ունի համայնքը ամբողջ գիւղի հողի վերայ: Եթէ համայնքը գիւղական հողը իւր իրաւասութեան է ենթակայ համարում, հողատիրութիւնը այդ տեղ համայնական է, թէկուզ մի կտոր ազատ հող չը լինի և բոլորը բւնում լինին մասնաւոր ընտանիքները, որոնք կազմում են այդ համայնքը և վերաբաժանումը դեռ տեղի ունեցած չը լինի: Համայնքը կարող է մտնել վերաբաժանումը և փոփոխել իւրաքանչիւրի ձեռքին ունեցած հողի չափը:

Վերաբաժանման գոյութիւնը անհրաժեշտ պայման չէ համայնական հողատիրութեան: Մենք հետեւում ենք պրօֆեսսոր Կօւալեւսկու կարծիքին, որը արեւմտեան Եւրոպայի հողատիրութեան պատմութեան մէջ ապացուցանում է վերաբաժանման ուշ ծագումը, որից առաջ լինում է առհասարակ նախազրաւական ձևը, զրաւման ձևը (ЗАХВАТНАЯ СИСТЕМА), որը կայանում է նրանում, որ համայնքի իւրաքանչիւր անդամը հողի առատութեան պատճառով ազատ աւելացնում է իւր վարելահողերի տարածութիւնը, որքան կարողանում է: Ինչպէս ասացինք, վարելահողերի սպառումը յետեցնում է վերաբաժանումի (ПЕРЕДЕЛЫ): Միեւնոյն պատճառը սկսկում է ազդել մասնաւոր սեպհականութեան շրջանի տարածման վերայ: Մասնաւոր սեպհականութիւնը նոյն չափ հին է, որքան հին է մարդկային հասարակութիւնը, բայց նորա շրջանը սկզբում եղել է շատ նեղ, ամփոփելով իւր մէջ միայն տունը և այգին, որոնք անհատի աշխատանքի արտադրութիւն են և հետեւապէս պիտի պատկանեն անհատին: Բայց այդ շրջանը ժամանակի ընթացքում տարածւելով, բըռնում է գիւղական հողի ամբողջ տարածութիւնը: Մասնաւոր սեպհականութիւնը ընդարձակող գործիչները բարդ են և ամեն տեղ միանման չեն: Այստեղ մենք կարիք չ'ունենք դրոց քննել:

Եւ այսպէս եթէ մենք հայոց պատմութեան մէջ չենք գտնում տեղեկութիւններ հողատիրութեան վերաբերմամբ, մենք նորանում գտնում ենք բացատրութիւն համայնական հողատիրութեան երկա-

րակեցութեան մեղանում, ընդունելով որ այդ հողատիրական ձևը առաջնայ եղածի շարունակութիւն է: Հակառակ ենթադրութիւնը դէմ կը լինի պատմութեան տգիտութեան:

Ինչպէս ասել էինք նախընթաց գլխում իրաւաբանական յիշատակարանների բացակայութիւնը հայ գրականութեան մէջ տեւում է մինչև 12 դարը, այսինքն երբ սկսւում է հայ ազգի քաղաքական և կուլտուրական անկումը: Այդ ժամանակ կազմեց իւր յայտնի դատաստանագիրը Մխիթար Գոշ անւանւած գիտնական վարդապետը: Այս դատաստանագիրքը ինչպէս յայտնի է ընթերցող հասարակութեանը, հրատարակեց ընդարձակ չառաջարանութիւնով: ի գիտնական տեղեկութիւններով և խորիմաստ դատողութիւններով հայկական իրաւաբանութեան վերաբերմամբ վաղակորոյս Բաստամեան վարդապետը: Այդ չառաջարանութիւնը իսկապէս մի խելացի և գիտնական հետազոտութիւն է հայկական իրաւաբանութեան մութ աշխարհում:

Թէպէտ Մխիթարը նախադրութեան 10-րդ գլխում թւելով իւր դատաստանագիրքի աղբիւրները, որոնք են, բնական օրէնքներ, օտար քրիստոնեայ ազգերի օրէնքներ, մահմեդական օրէնքներ, սուրբ գիրքը, Հայոց Եկեղեցու կանոնները, նա չի ցոյց տալիս ազգային աղբիւր ոչ աւանդական և ոչ գրաւոր, բայց հայր Բաստամեանը իրաւացի դատում է. «Եթէ նա (Գոշը) հարկաւոր և օգտակար համարեց մի քանի բաներ քաղել ուրիշ քրիստոնեայ ազգերի իրաւաբանական աւանդութիւններից, մահմեդական և հրէական գրաւոր օրէնքներից, ինչպէս կարող էր առանց ուշադրութեան թողնել այն ազգի իրաւաբանական աւանդութիւնները, որի համար նա գրում էր իւր դատաստանագիրքը: Եւ արդարեւ որ նա ոչ սակաւ նիւթ է քաղել նաև ժողովրդի մէջ եղած իրաւաբանական աւանդութիւններից՝ այդ պարզ երևում է ամբողջ դատաստանագիրքի մէջ մանաւանդ նորա Երկրորդ մասնում, ուր ամփոփւած են առաւելապէս աշխարհական օրէնքները»: Նա այդ հաստատում է և Մխիթարի խօսքերի հիման վերայ. «Առաջին մասնի 109 կանոնի մէջ, ուր նա խօսում է ազգականների ամուսնութեան չհասութեան վերայ, նա ասում է. «Եւ եթէ ունէի յաղաքս այդոցիկ այլ ինչ ըստ տեսութեան դնել մտաց՝

ո՛չ կամեցայ զի մի՛ ընդդէմ ինչ կարծիցեմ կանոնաց, այլ որ ոչ թուին ի կանոնաց ի կենդանի առաք ձայն է»։ Իսկ երկրորդ մասնի առաջին յօդածի մէջ բացատրելով թէ ի՛նչպէս պէտք է բաժանել պատերազմում ժողոված աւարը, նա ասում է՝ «զայս ըստ սովորութեան ասացաք, զի ոչ է հրաման ի գրոցս։ Եւ մենք բոլորովին համերաշխ ենք հայր Բաստամեանի համոզմունքին, որ դատաստանագրքի նշանաւոր նիւթը պիտի մատակարարէին ժողովրդի իրաւաբանական ականդութիւնները։ Զը նախելով, այս հանգամանքին չը նայելով, որ դատաստանագիրքը նախասահմանաւծ էր մի հողագործ ժողովրդի գործադրութեան համար, ընդարձակ դատաստանագրքում ժամանակակից հողատիրութիւնը շատ շնչին դատի նիւթէ ներկայացնում, որից անկարելի է նորա կազմակերպութեան մասին մի որոշ կարծիք կազմել։ Այս փաստից ուղղակի յետեւում է այն, որ դատաստանագրքին ժամանակակից ժողովրդի մէջ պատահող հողատիրական վէճերը, դատաստանատների իրաւասութեան ենթակայ չեն եղել, այլ ուրիշ հիմնարկութեան, որի մասին մեր խօսքը յետոյ է։

Այն մի քանի յօդաւածներից, որոնք շոշափում են մեզ հետաքրքրող առարկան, երևում է, որ դատաստանագրքին ժամանակակից Հայաստանում գոյութիւն են ունեցել, եկեղեցական կալւածատիրութիւն, ազնւական կալւածատիրութիւն և գիւղացու անկախ հողատիրութիւն։ Բայց չի երևում այդ իրաւունքների էութիւնը և սահմանը, որոնք առհասարակ մեծ զանանազանութիւն են ներկայացնում և այդ կողմից հասնում այնպիսի ծայրահեղութեան, որպիսին օրինակ կարելի է տեսնել մեր «Միւլքադադարութեան» և անգլիական «Լենդլորդութեան» մէջ։ Մինչդեռ մեր միւլքադարը առանց իրաւունք ունենալու խառնել հողաբաժանութեան մէջ, ստանում է հողագործութեան արդիւնքի մի որոշ մասը ($\frac{1}{30}$), լենդլորդը կատարեալ սեպհականատէր է իւր կալւածքի, և տալիս է վերջինս կապալով նորան, ով աւելի է տալիս։ Հազազիւտ չեն քեպքերը երբ նա (լենդլորդը) հեւացնում է գիւղացուն, քանդում է նորա խրճիթները և իւր կալւածքը արօտատեղի դարձնում, եթէ այդ գտնում է իւր համար աւելի օգտակար։

53 յօդաւածը խօսում է եկեղեցական կալւածների մասին, որից

երևում է, որ այդ կալաճները հոգևորականութիւնը իրաւունք է ունեցել և վաճառելու: «Վասն ընչից, որ անւանեալ իցէ եկեղեցւոյ զինչ և իցէ եթէ գեղ, եթէ այլ ինչ, մինչև եպիսկոպոս լեալ է ի տեղւոջն և երեցունք վաճառեցին, իշխան լիցի անդրէն ի նոյն պահանջել: Բայց եպիսկոպոսն կշռեսցէ զիրաւնն և զարժանն, եթէ մարդ է առնուլ զզինն կամ դարձուցանել... Բայց չընայելով այդ հանգամանքին (վաճառելու իրաւունքը) զիւղացիք այդ եկեղեցական կալաճքում կարող էին զանազան հողատիրական կարգեր ունենալ համայնականից սկսած մինչև մասնաւոր սեպհականութիւնը, կրելով եկեղեցու վերաբերմամբ որոշ պարտականութիւններ տուրքով և աշխատանքով: Այդպէս է մեր այժմեան վանքական կալաճներում, որոնցում եկեղեցին ստանալով որոշ մուտք հոգաբարձական կարգերը թողնում է համայնքին: Այդպէս էր Վրաստանում, ինչպէս ապացուցանում է պ. Բահաթրեանը իւր հետաքրքրական բրոշիւրում «Иичныя и поземельныя права Древней Грузіи»: Եկեղեցուն կալաճներ բաշխելիս, սկզբում մինչև անգամ սահմանները չէին որոշում այդ երկրում, որովհետև մուտքը, որը որոշ էր, կախած էր ոչ թէ հողի տարածութիւնից, այլ տների թւից: Միայն 17 դարում այդտեղ կալաճների մուտքը վերածւեց արդիւնքի մի որոշ մասի, իսկ հողը մնաց համայնքի անմիջական իրաւունքին:

Երկրորդ մասի III գլուխը շօշափում է ազնւական կալաճատիրութիւնը: Այս յօդւածի մէջ շատ նշանաւոր կէտ կայ. «Ազատ յԱրարէն եղև մարդկայինս բնութիւն, այլ ծառայել տէրանց յաղագս պիտոյից եղև հողոյ և ջրոյ: Եւ զայս պատշաճ կարծեմ դատաստան զի թողեալ զտերունին ազատ է ուր և կամեսցի կալ: Ապա այսմ ոչ ներէ ոք իտերանցն և բռնադատ է զգնացեալսն անդրէն դառնալ, զինի մահւան հօրն ազատ են որդիք ծնեալ այլ ուր և էջ անդ»: Այս յօդւածի վերաբերմամբ կարելի է ասել նոյնը ինչ որ նախորդի, մասին ասեց—այն՝ որ նա ցոյց է տալիս ազնւական կալաճատիրութեան գոյութիւնը միայն, որը կարող էր զանազան հողատիրական կարգեր ունենալ: Աւելի հետաքրքրական է այս յօդւածը ուրիշ կողմից: Սորանից պարզ երևում է, որ մեզանում եղել են զիւղացիք սահմանափակւած իրաւունքներով. արդեօք ճորտութիւն է եղել այդ (крепостное состояние) թէ աւելի սահմանափակ կախում, մեղում

է մութ: Որ այս յօդաճը աչքի առաջ ունի հողագործ գիւղացի-
ներին և ոչ ստրուկներին, պարզ երևում է «ծառայել տերանց յա-
ղաքս պիտոյից եղև հողոյ և ջրոյ» խօսքերից: Բայց նոյն իսկ ճորտու-
թիւնն էլ չի որոշում հողատիրութիւնը: Ռուսաստանում ճորտերը,
կրելով որոշ պարտականութիւններ տուրքով (оброкъ) և աշխատան-
քով (барщина) իրանք էին որոշում հողատիրական կարգերը: Աւելի
հետաքրքրական է 106 յօդաճը, որը խօսում է նոր գիւղ շինելուց
յետոյ հողերի բաժանման մասին: Բայց այս յօդաճն էլ չի պար-
զում՝ թէ ինչ տեսակ հողատիրութիւն պիտի գոյութիւն ունենայ
այդ գիւղում—մասնաւոր սեպհականութիւն թէ համայնական.
«Յորժամ զառաջին շինիցի գիւղ, չէ հաստատուն բաժանումն հողոյն
և ջրին և այլոց այսպիսեաց մինչ բաւական բնակիչք ժողովիցեն և
ապա բաժանումն հաստատիցէ: Ապա թէ աւերակ շինիցի և չից է
բաղմաժամանակեայ, մինչ զի գիտել իւրաքանչիւր զսահման ան-
գատտանաց և զայլոց, իւրաքանչիւր ըստ սահման նախնեացն կալցին:
Իսկ թէ բաղմաժամանակեայ իցէ և անգիտելի և տէրութեան փո-
փոխումն եղեալ նորոգ արասցեն բաժանումն հաւասարադատու-
թեամբ, նախ եկեղեցւոյն և ապա այլոց մասն աւելի տալով, որ
գլխաւորն իցէ գեղջն վասն հոգալոյ զայլս: Եթէ ընդունենք, որ
այս յօդաճը ուղղակի մասնաւոր սեպհականութեան մասին է խօ-
սում, դա չի նշանակում, որ այս հողատիրական ձևը եղել է տի-
րապետող: Մասնաւոր սեպհականութիւնը և համայնական հողատի-
րութիւնը միեւնոյն երկրում կարող են զուգընթացաբար գոյութիւն
ունենալ: Բայց «բաժանել» խօսքը գործ է ածւում և համայնական
հողաբաժանութիւնների ժամանակ: Համայնական հողատիրութիւնը
չի ենթադրում անպայման անընդհատ վերաբաժանումներ: Վերջին
դէպքումն էլ (համայնական հողատիրութեան ժամանակ) կարող էր
բաժանում լինել անորոշ ժամանակի համար, մինչև որ համայնքը
կարիք կը զգար փոփոխութիւններ անելու: Ինչպէս կը տեսնենք
յետոյ, մեր համայնական հողատիրութիւնը հիմնւած է այդ սկզբունքի
վերայ: Իսկ ինչ վերաբերում է համայնքի մի քանի անդամներին
աւելի հող տալուն, որը առաջարկում է յօդաճը «վասն հոգալոյ
զայլս», այդ տեղի ունի և ուրիշ երկիրներում, ուր համայնական հո-
ղատիրութիւն է, օրինակ Հնդկաստանում Պէնջաբի շատ համայնք-

ներում, ինչպէս այդ հաստատում են Անգլիացի գիտնականը Մէնը և Բելգիացի Լաւելէն:

Ուրեմն այսպէս, դատաստանագրքում չը կան յօդաճներ, որոնք որոշէին համայնքի անդամների հողային յարաբերութիւնները, միմիանց վերաբերմամբ և համայնքի վերաբերմամբ, — ուրիշ խօսքերով դատաստանագրքից չի երևում թէ ինչ հողատիրական կարգեր էին տիրապետում նորա ժամանակակից գիւղական համայնքներում:

Այս իրողութիւնը աւելի մեծ նշանակութիւն ունի, քան թէ կարելի է կարծել առաջի անգամից: Միայն մեր դատաստանագրքում չենք տեսնում այդ բացակայութիւնը, այդպէս է և ուրիշ շատ աղբերի նախնի դատաստանագրքերում, ինչպէս օրինակ գերմանացիների, Ռուսների: Առաջի անգամից շատ անհասկանալի է թւում թէ ինչպէս մեր դատաստանագիրքը նոյնպէս և վերև յիշած աղբերի՝ առանց իրաւաբանական պաշտպանութեան են թողել առաջնակարգ անտեսական նշանակութիւն ունեցող մի առարկայ, որը համարեաց միայնակ ապրուստի միջոցն է եղել այն ժողովուրդների, որոնց համար նախասահմանւած են եղել այդ դատաստանագրքերը: Որ հողագործ երկրում ամենից շատ հողային վէճեր պիտի պատահեն, դրանում չի կարող կասկած լինել: Հարց է ծագում, ի՞նչու այդ հողային վէճերի համար օրէնքներ չը կան այդ դատաստանագրքերում: Պարզ է, որ այդ վէճերը դատաստանաւորում չէին դառնում, ուրեմն ուրիշ հիմնարկութեան էին ենթակայ: Մեր կարծիքով այսպիսի երևոյթ դատաստանագրքերում ուղղակի հետուանք է երկրում տիրապետող համայնական հողատիրութեան և ուրիշ կերպ անկարող է լինել: Այդ ապացուցեց Արևմտեան Եւրոպայի հողատիրութեան պատմութիւնը: Նրա տէրը և կառավարիչը գիւղական հողերի համայնք է, երբ վերջինիս ամեն մի անդամը ձայն ունի և մասնակցում է հողատիրական կարգեր կազմելու մէջ և օգտւում է այնչափ հողով, որչափ թոյլ է տալիս նրան համայնքը. երբ տէրութիւնը յայտնապէս կամ լռելեայն ընդունում է համայնքի այդպիսի մեծ իրաւասութիւնը գիւղական հողերի վերաբերմամբ, նա արդէն կարիք չ'ունի խառնելու այդ համայնքի հողատիրական կարգերի մէջ իւր դատաստանաւորի միջոցով: Այդ դէպքում համայնքը է առաջին և վերջին դատաստանատեղը (ипостанія): Ուրեմն, եթէ մի երկրի իրա-

Լաբանական լիչատակարանի մէջ լուծիւն է պահպանւած գիւղական հողատիրութեան վերաբերմամբ, դա ուղղակի ցոյց է տալիս, որ այս երկրում հողատիրական ձևը համայնական է եղել:

Վերջացնելով սորանով մեր յօդաճի ընդհանուր մասը, հետևեալ գլխում մենք կ'անցնենք յօդաճիս անմիջական նպատակին:

(Կը շարունակուի)